

Broj: 01-02-3-486/17

Sarajevo, 24.04.2017. godine

Z A P I S N I K
TEMATSKE SJEDNICE PREDSTAVNIČKOG DOMA PARLAMENTA FEDERACIJE
BiH, "Problem zagađenosti zraka u Federaciji BiH", održane 15. i 22. 03.2017.
godine

Sjednica je počela u 10.33

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Ilhan Bušatlić, Mirela Halilović, Salem Halilović, Mujo Hasić, Zukan Helez i Elzina Pirić.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Predsjedavajući je kazao da je sjednica sazvana na osnovu zahtjeva 37 zastupnika, a u skladu sa Poslovnikom Predstavničkog doma.

Sa 51 glasom za, tri glasa protiv i uz dva uzdržana glasa, usvojen je sljedeći

D N E V N I R E D

1. Problem zagađenosti zraka u Federaciji BiH.

1. Problem zagađenosti zraka u Federaciji BiH

Informaciju o problemu zagađenosti zraka u Federaciji BiH dostavilo je Federalno ministarstvo okoliša i turizma.

Informaciju su razmatrala nadležna radna tijela i dostavila izvještaje.

Otvorena je diskusija u kojoj su učestvovali: Alma Kratina, Amra Haračić, Safet Kešo, Marin Barbarić, Ismet Osmanović, Jusuf Bubica, Ibrahim Šišić, Sanel Razić, te ministrica Edita Đapo.

Prezentaciju je vršio Mehmed Cero pomoćnik ministrice za okoliš i turizam.

Domu se obratio i Amir Bijedić direktor Federalnog hidrometeorološkog zavoda, te također vršio prezentaciju.

Domu su se obratili i Harun Drljević predsjednik Ljekarske komore Federacije BiH, Samir Lemeš predsjednik Eko foruma Zenica, Džemila Agić iz Centra za ekologiju i energiju Tuzla, Anes Podić iz Eko akcije Sarajevo, u ime načelnika Općine Lukavac Jozo Tunjić i Tanja Kapetanović stručni savjetnik u Službi za praćenje stanja okoliša u Fondu za zaštitu okoliša.

Usljedila je diskusija u kojoj su učestvovali: Dennis Gratz, Mensura Beganović iz Predstavničkog doma Parlamentarne skupštine BiH, Amra Kunovac, Jasmina Zubić, Zijad Alajbegović, Davor Vuletić, Jusuf Bubica, Amra Haračić, Mehruđin Švago, Tarik Arapčić, Hasan Muratović, Elvir Karajbić, Bajro Makić, Ibrahim Šišić, Faruk Čupina, Hasida Isaković, Dževad Adžem, Draženka Subašić delegat u Domu naroda Parlamenta Federacije BiH, Mujo Hodžić, Mahir Mešalić, Mira Ljubijankić, Dženan Đonlagić i Jasmina Zubić.

Predsjedavajući je kazao da će zastupnica Amra Haračić biti koordinatorica Radne grupe za izradu zaključaka, koji će potom biti usvajani u Predstavničkom domu.

Sjednica je završila sa radom u 15.59.

* * *

NASTAVAK TEMATSKE SJEDNICE PREDSTAVNIČKOG DOMA PARLAMENTA FEDERACIJE BIH, održane 22.03.2017. godine

Sjednica je počela u 10.37.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, premijera i članove Vlade Federacije BiH, goste kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Ilhan Bušatlić, Ibrahim Šišić, Ljuban Herceg, Rusmir Mesihović i Nasir Beganović.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Rasprava o ovoj temi je zaključena.

Radna grupa je sačinila zaključke.

Amra Haračić dala je dodatno obrazloženje i pročitajla zaključke.

Predsjedavajući je pozvao zastupnike da se izjasne o zaključcima i preporuci.

Sa 56 glasova za, tri glasa protiv i uz pet uzdržanih glasova, usvojeni su sljedeći:

Z A K L J U Č C I

1. Donijeti novi Zakon o zraku Federacije BiH i odgovarajuće podzakonske akte koji će biti usklađeni sa odgovarajućim direktivama koje važe u zemljama EU, a u Zakon o zaštiti okoliša, koji je u proceduri, posebnu pažnju posvetiti sistemu okolinskih dozvola, kako bi se značajno poboljšala učinkovitost istih, te u skladu s tim također izmijeniti podzakonske akte koji se odnose na monitoring kvalitete zraka.
2. Obavezuje se Federalno ministarstvo turizma i okoliša da svakih šest mjeseci izvještava Parlament Federacije BiH o ispunjavanju uvjeta od strane operatera iz već izdatih okolinskih dozvola.
3. Obavezuje se Federalno ministarstvo turizma i okoliša da u roku od tri mjeseca, u pogledu sankcija, uskladi sve zakone koji regulišu oblast okoliša sa Zakonom o prekršajima Federacije BiH, te da propiše sankcije za zagađivače koji kasne ili ne realizuju projekte iz prethodnih okolinskih dozvola.
4. Donijeti Zakon o Fondu za zaštitu okoliša i energetske efikasnosti kako bi se, između ostalog, obezbijedilo transparentno izvještavanje o utrošku sredstava nižih nivoa vlasti koji se prikupljaju i transferiraju po osnovu uspostavljenog mehanizma zagađivač plaća, te sredstva iz Fonda za zaštitu okoliša i sredstva koja operateri na ime zagađenja uplaćuju lokalnoj zajednici, namjenski usmjeriti samo za projekte koji imaju za cilj smanjenje zagađenosti i poboljšanje stanja u oblasti okoliša.
5. Obezbijediti efikasan, pouzdan i transparentan sistem kontrole emisija kroz uspostavu katastra zagađivača i registra ispuštanja i prijenosa zagađenja.
6. Dopuniti odgovarajuće podzakonske akte sa pragovima uzbune za lebdeće čestice PM 2,5 i PM 10, te propisane pragove revidirati svake godine i uskladiti sa vrijednostima koje su na snazi u drugim državama i gradovima Evrope.

- Podzakonskim aktima omogućiti angažovanje stranih laboratorija za mjerenje nivoa štetnih materija, ako ne postoji domaća laboratorija koja vrši to mjerenje.
7. Pojačati inspekcijski nadzor na svim nivoima te sektor za zaštitu okoliša pri Federalnom ministarstvu turizma i okoliša kadrovski pojačati.
 8. Obavezuje se Federalno ministarstvo turizma i okoliša da o poduzetim aktivnostima po usvojenim zaključcima izvještava Parlament Federacije BiH svaka tri mjeseca.

PREPORUKA

Predstavnički dom Parlamenta Federacije BiH upućuje preporuku Vijeću ministara BiH da što prije ostvari saradnju sa nadležnim federalnim ministarstvom kako bi se što prije pristupilo ispunjavanju uvjeta za pristup EU fondovima za sektor zaštite okoliša.

Predsjedavajući je pozvao zastupnike da se izjasne o inicijativi koju je pokrenuo zastupnik Enver Bijedić (osnosi se na autoput Sarajevo - Beograd), a koja pojedinačnim izjašnjanjem nije usvojena (48 glasova za, 17 glasova protiv i uz šest uzdržanih glasova).

Predsjedavajući je zaključio rad tematske sjednice u 10.58.

Transkript i prijepis transkripta sjednice čine sastavni dio Zapisnika.

v. d. SEKRETARA
PREDSTAVNIČKOG DOMA
PARLAMENTA FEDERACIJE BIH

Stela Ibrović

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BIH

Edin Mušić